

元氏長慶集卷之三十五



狀

辨日旁瑞氣狀

謝准朱書撰田弘正碑文狀

謝恩賜告身衣服并借馬狀

謝賜設狀 謝御札狀

進田弘正碑文狀 進詩狀

進西北邊圖經狀

進西北邊圖狀

進雙鷄等狀

辨日旁瑞氣狀

Vertical text on the far left edge of the page.

今月二日七旁瑞氣
右奉宣其日七上
有橫赤氣五色
鮮明黃潤日兩邊
各有嘉氣內赤
外青宰臣稱賀云
是五色雲見
知是是否老謹按
乙巳占有赤氣橫
在日上謂之戴其
分當有益土進
爵推戴人君之象
又人君當立王
侯封建親戚以為
福祐之徵竊見
其日除王替郭釗
田布等官則陛
下凡有舉措盡合
天心微臣所引
占書悉皆期驗伏
請以戴氣宣付
史官不可誤書五
色雲見又云青
赤短卜在日旁
謂之抱珥者纓珥
之象天子亦喜

并有和親之事又
當拜將抱者扶
抱向就之象鄰國
臣佐來降天子
有喜賀之事子孫
之慶臣下忠誠
輔主國中歡喜和
合今北狄和親
西戎通好昨者承
元請命其日三
將同升萬姓歡呼
四方來賀亦可
請陛下凡有舉措
盡合天心微臣
所引占書悉皆明
驗伏請亦以抱
珥宣付史官不可
誤書五色雲見
以前謹具圖籍所
載如右伏以五
名慶雲蓋是小瑞
戴氣抱珥所謂
殊祥宰臣忽遽之
間未暇精究其
事此皆陛下禮行
郊廟誠達神德
展百拜而忘疲入
九室而流涕近

臣與感上帝垂休克呈捧日之祥
以表動天之德微臣同霑侍從別
感恩慈方當鼓舞之時恨不叫呼
而賀然臣以為陛下特宜手勅
臣云今日二月二日卿等所言日
色雲見參驗圖書蓋是戴珥之象
此皆祖宗積慶特爾子孫之祥豈
冲昧微誠能致昊穹之貺宜令有
司擇日告廟上以奉高祖無窮之
祐次以報憲宗有截之功誕告華
夷並令知悉若此則陛下感通之
德已見九霄推讓之風將光萬葉
爛然宸翰手勅以示於宰臣煥乎
天文撰詔自生於聖旨事超萬古

道冠百王伏唯天恩察賜裁察

魏博節度使李勣請與田弘正立
德政碑

右臣伏奉今日二十四日勅令臣

魏俗彰先帝之睿謀近入鎮州言

陛下之神正積成忠懇大有勳勞

人懷云思願刻金石陛下所宜

詔台席內委翰林妙選推文式揚
丕績豈謂天光曲照御札特書
付微臣實非常例至頃以遂恩
擢便欲効死仰酬持竭愚誠蒙
召對自去去年九月已後橫遭謗毀

無因再覩天顏，遠枯朽而凋來，絕恩波之望，豈料聖慈長在記憶，姓名無人奏請，撰碑使日宸秉宣，付微臣忝非木石，粗有肺腑空懷，感弟之心，未獲殺身之所，無任感恩，思報鏤骨銘肌之至。

忽降天書，乍乘雲驥，頒文煥日，賁帛盈庭，皆非朽陋之才，宜受光揚之賜，微臣無任忭躍慙惶之至。况臣性本疎愚，素無朋黨，去年陛下擢自郎吏，命掌書詞，非因宰相奏論，特是聖慈超授，感恩深切，頻獻封章，遂遭公外侵誣，不敢保全軀。

命豈謂恩光轉至，溼澤逾深，出自宸衷，選居近地，使令入院，當日召見，天顏口勅，授官面賜，章服，接令承旨，不顧班資，近白寵榮，無臣此例，發言感泣，指日誓心，苟無死節之誠，願受鬼誅之禍，伏奉恩旨，令臣明日，本司赴上，舊例更合，中謝伏緣，先有疏論，邊事及幽州事宜，兼李愿入朝，並要旨自論，奏伏料二十日，入殿已後，南衙機務稍閑，特乞恩許，臣中謝謹錄，奏聞伏候勅旨。

謝賜設狀用勤勳勞置醴之

恩以待賢彥微臣猥承天眷擢目
內庭雨露頻施涓埃莫効陛下載
分美祿特降珍羞空懷滿腹之慙
未有沃心之便既充膚革誓竭肺
肝竊位素非食實誠願微臣無任
感激恩私之至

謝御札狀
御札二十三字

右泰倫重晏至賜臣前件御札其
中聖旨云鎮州逆亂枉害忠良若
與元翼鎮州節度使即是捨賊之
門者伏以睿筭若神聖慈猶父視
凶狡之構亂義在克清念台輔之
在寃期於必報此蓋仁深天地勇

過雷霆臣實庸愚難議窺測况臣
謀猷失次罪戾是憂宸翰忽臨天
章煥發舞鳳回翔於懷袖飛龍顧
眄於縑緗豈獨傳之子孫便可鏤
於肌骨微臣無任踴躍光榮之至
進田弘正碑文狀

田弘正魏博德政碑文
右前件碑文伏蒙御筆朱書遣臣
撰述恩生望外事出宸衷銘鏤骨
肌難酬雨露然臣伏以陛下所以
令臣與弘正立碑蓋欲遣魏博及
鎮州將吏等並知弘正首懷忠義
以致功勳臣若苟務文章廣徵經
典非唯將吏不會亦恐弘正未詳

雖臨四達之衢難記万人之口臣
所以効馬遷史體叙事直書約李
斯碑文勒銘稱制使弘正見銘而
戒逸將吏觀叙而愛忠不隱實功
不為盜美文雖朴野事頗彰明伏
乞天慈特留宸鑑其碑文謹隨狀
封進謹具奏聞伏候勅旨

進詩狀

臣某雜詩十卷
右臣面奉聖旨令臣寫錄雜詩進
來者伏唯皇帝陛下學涉江海文
動星辰乙夜觀書秋風詠賦微臣
入院之始學士等盛傳陛下親批
賀雨一章體備鸞鳳思含珠玉臣

雖不得日覩宸翰臣實竊得心念
聖言既仰燭菲之光難逞聚螢之
照欲為陳獻益自慙惶况臣九歲
學詩少經貧賤十年謫宦備極恓
惶凡所為文多因感激故自古風
詩至古今樂府稍存寄興頗近謳
謠雖無作者之風粗中道人之採
律詩百韻至於兩韻七言或因
朋友戲投或以悲歡自遣既無六
義皆出一時詞旨繁蕪倍增慙恐
今謹隨狀進呈無任戰汗屏營之
至

進西北邊圖經狀
京西北邊圖經四卷

京西北邊圖經四卷

右臣今日二日進京西京北區
面山川險易細大無遺猶慮幅天
高低閱覽有煩於聖躬尋於古
俯仰頌勞於堅躬尋於古
之中纂撰京西京北圖經共成四
卷所冀裨席之上欲枕而部邑
觀游幸之時倚馬而山川盡在又
太和公主下嫁伏恐聖慮念其道
途臣今具錄天德城已北到迴鶻
衙帳已來食宿井泉附於圖經之
內并別寫一本與圖經序謹同封
進其圖四卷隨狀進呈

進西京北邊圖狀

京西京北州鎮烽戍道路等圖一

右臣先畫聖唐西極圖三面草本
並畢伏候面自奏論方擬呈進前
月十一日於思政殿面奉聖旨云
諸家所進河隴圖勘驗皆有差異
并檢尋近日烽鎖城堡不得令臣
所畫稍須精詳伏緣臣先畫西極
圖疆界闊遠郡國繁多若烽鎖館
驛盡言即山川勝帖太密空煩聖
覽不基分明愚臣數日之間別畫
一京西京北州鎮烽戍道路等圖
已畢纖毫必載尺寸無遺若邊上
奏報烟塵陛下便可坐觀與所若
欲驗臣此圖與諸家所進何如伏

乞聖明於南及北軍中召取一
久任邊將者或於中使內有經過
邊上校熟者宣示其遣辨別精粗
即知愚臣一七皆有依憑不敢妄
加增減其聖唐西極圖三本伏緣
經畧意大事須面自陳伏恐次及
降誕務繁未敢進狀候對其京西
廿京鎮烽戍道路等處并序謹隨
狀進呈

進雙鷄等狀

同州防禦使供進烏鶻奔雙鷄共

右臣當州元和十五年奉宣令採
雙鷄五聯重各四斤頻年採取一

聯不獲自臣到州詢問採捕人以
等皆云二十年採得一聯鷄爾後
更不曾採得昨旬日之內併獲兩
聯斤兩輕重稍符詔旨况浚郊初
啓既以大剪豺狼鷲鳥自來可以
助清臬鏡臣所恨身無羽翼不獲
陪奉屬車擒狡兔之根源破妖狐
之群黨臣某無任忘軀思奮翫物
感恩之至謹遣某官某乙隨狀奉
進謹進



元氏長慶集卷之三十五

元氏長慶集卷之三十六

狀

進馬狀

為蕭相謝告身狀

為令狐相謝賜金石凌紅雪

狀

為蕭相國謝太夫人國號告身狀

為令狐相謝回一子官與弟

狀

賀昇平日德音狀

中書議賦稅及鑄錢等狀

中書省議舉縣令狀

進馬狀

同州防禦烏馬一疋八歲堪打球
 及獵
 右亞竊聞道路相傳車駕欲暫游
 幸温湯未知虛實者臣職居守土
 侍從無因羨魏闕之埃鹿猶隨日
 御恨新豐之鷄犬亦聽車音日斷
 魂銷形留神往又得進奏官狀知
 河中華州京兆府並於昭應排比
 進獻臣當州素乏所出無以粗展
 丹誠臣既別受恩私又不合獨無

壤奠伏以前件馬北方正色東道
 竒縱調習多時備諸材力解擊毬
 者每嘉其環迴斗轉動必恹心善
 獵射者皆嘆其度壘踰溝走不換
 足欲適正至肅賀竊慮羣衆混同
 徘徊顧瞻蒼銳斯久今者宸游近
 甸帝降靈泉施展是時我藏何益
 伏望陛下揚鞭頓轡取驗馴良結
 尾絡頭試觀神彩臣其深恩未報
 愚志空存自慙駑鈍之資莫展驅
 馳之効捫心戀主因馬諭身輕冒
 天威無任戰汗其馬謹隨狀進謹
 進

為蕭相謝告身狀

卷之六十一 六十一

賜使某乙至奉宣進止賜臣某
右中使某乙至奉宣進止賜臣某
官告身一通鳳銜真誥虬捧天書
錦帙金牋霞明日照臣聞高宗命
說乃申納誨之詞大舜相龍爰有
聖讒之訓空書簡策未煥縑緗如
臣寵榮豈足為諭慙惶踴躍進退
難安拜受恩光戰汗交集無任感
戴殊私之至

為令狐相國謝賜金石凌紅

恩賜金石凌紅雪各一合
中使某乙至奉宣進止以臣將
山凌持屬炎暑賜前件紅雪等

并合臣職司復土戀切攀髯方當
匍匐而前敢有赫曦之惧豈謂天
光下濟靈藥旁沾念若有丹赤之
愚故賜臣以洗心之物察臣有木
訥之性故賜臣以苦心之滋就日
疑不治之清冰在合苦遇圓之絳
雪恩加望外感極愚衷無任跼蹐
屏營之至

為蕭相國謝太夫人國號誥
身狀

恩賜臣母國號告身一通
右某月日某乙奉宣恩旨賜臣母
前件告身恩光灼耀捧戴兢惶對
揚天休無任戰兢臣家傳儒系母

實幼勞每織履以資臣宦游嘗斷
織以勉臣師學念臣庸昧本望非
高所希捧檄之勞敢思開國之慶
陛下恩加望外簡自宸衷石窠封
疆已光於萬葉藻珠文字重降
九霄朝野謂之殊私宗族以爲榮
觀臣及臣母以忭以歡誓將齋戒
洗心求奉真人之誥緘膝在笥深
藏太常之符寶過金巖瑞司鵠印
蓼簫知感雨露難醅無任忭躍戴
恩之至

爲令狐相國謝回一子官與

弟狀

臣弟定蒙恩授京兆府藍田縣尉

右臣伏奉某月日勅以所賜
子官迴授臣弟定涼兆府藍田縣
尉寵過憂來恩殊感極彷彿
悚惕難居臣本凡才猥當重任雖
星辰執道幸屬聖時而歲月環周
實妨賢路未蒙罪退益自慙惶豈
謂不慈乃加渥澤特降推恩命
曲成友愛之私九族生光百年何
報况藍田美邑黃綬清流旋觀身
上之趨倍慶怡上之樂手交忭
形影相輝空鏤肝心難醅雨露無
任忭躍感恩之至

賀降誕日德音狀

降誕日德音

右臣等伏奉今月日勅書以降誕
之辰奉迎皇太后宮中上壽獲申
歡慰宜集百寮及外命婦進名賀
皇太后仍御光順門內殿與百寮
相元便為常式者伏以詔聖嘉辰
承天令節新恩肇降品彙咸休皇
太后念樞星之祥重游甲觀羣執
事排闥闔而入盡唱賡歌同沾就
日之榮實慶溥天之樂况百寮承
式萬歲傳聲未為利見之規彌荷
無窮之澤臣等謬忝樞務親奉德
音慶忭之誠倍萬常品無任鼓舞
歡呼之至

中書省議賦稅及鑄錢等狀

中書門下奏據揚於麥等議狀請
天下兩稅推酒鹽利等悉以布帛
絲綿等物充稅一切不徵見錢者
右據中書門下狀稱應徵兩稅起
元和十六年已後並配端匹斤兩
之物以為稅額不用計錢今其折
納仍約元和十五年徵納布帛等
估回計者伏以兩稅不納見錢百
姓誠為穩便或慮士宜不等恐須
更有商量請令天下州縣有山野
溪洞無布帛絲綿之處得以九穀
百貨一物已上但堪本處交易用
度者並許折納便充留州留使錢
數仍令依當處堪納兩稅四段及

元集卷之六 五十五

雜貨估價計折輸納給用之時並
不得令有加擡臣等又見比來州
縣緣不納見錢抑令小戶數人并
合共成端匹期會來往費擾倍多
今請天下州縣有貧下戶兩稅數
少情願輸納見錢者亦任穩便若
此則上無抑配之名下有樂輸之
利以茲折中實謂得宜又據中書
門下狀稱鹽利酒利本以權率計
錢有殊兩稅之名不可除去錢額
但合納見錢者不請令折納時估
匹段者伏以糶鹽價錢自有本使
收管不要州縣條流至於推酒利
錢雖則各目不同其實出於百姓

均配其中一分州府九分是隨兩稅
外誅求一則厚取疲人二則嚴刑
檢下上供既有定數餘利並入使
司事實煩苛法非畫一今請天
州府權酒錢一切據貫配不兩稅
仍取兩貫已上戶均配兩貫已下
戶不在配限先有置店沽酒處並
請勒停若此則賦斂無名額之煩
貧富有等差之異人知定准吏絕
因緣臣等商量以此為便
右據中書門下狀欲令諸道公私
銅器各紙節度團練等使令本處
軍人鎔鑄其錢本請以留州留使

錢手支未片物充待一年後鑄銅
器盡勒停其州府有出銅鉛可以
廣鑄處每年與本充鑄者臣等約
計天下百姓有銅器用度者分數
無多散納諸使斤兩蓋寡創置鑪
冶器且頗繁一年勒停並是廢物
軍人既未素習鎔鑄亦恐其難又
每年舊州留使錢額本約一年用
度支留若待鑄得新錢然遣當州
給用必恐百事人闕不應時須臣
等商量請令諸使諸州一切在所
許百姓以銅器折納稅錢并度支
給價收市每年每季隨便近有監
冶處據數送納所冀鑪冶無創置

之勞工匠有素習之便不煩鑄本
自有利宜其州府出鉛銅可廣鑄
處請委諸道有銅鉛處長吏各言
利害且狀申陳參酌衆情然議可
否文前據中書門下奏請令中書
門下兩省重議可否奏聞者臣等
議謹如前謹奏聞伏候勅旨

元和十五年八月日中書舍

人臣武儒衡等奏駕部郎中

知制誥臣李宗閔中書舍人

至王起庫部郎中知制誥臣

牛僧孺祠部郎中知制誥臣

元稹
中書省議舉縣令狀

吏部重奏舉薦縣令節文
右部以停年課資之格取宰邑
字人之官公幹強白者拘以考淺
疾廢耄聵者得在選也倒置是非
無甚於此朝廷將欲新去其弊所
以特設舉薦之科明詔既行起請
尋下有司再議釐革何以取信於
人據吏部云增加新戶開墾荒田
已是考課舊條獄絕繫囚寃人申
雪亦是政途常事舉察吏不法恐
生告訐之風有利益公家又未指
陳其目選授者例無異績尚得四
考守常舉薦者縱未殊尤豈可二
年更罷今請但行連坐舉主之文

不必更依吏部分外條件又云見
任官及處士散試官並請停集且
起家散試固有才能見任他官何
妨撫字若皆限其資歷即與常選
何殊今請除見任縣令其餘並令
赴集又云檢勘勝樣剝放程式及
試書判並請准平選人例處分若
此則案牘之吏得時奸欺書判雖
工何與政術有同減選赴集豈是
特舉與官今請應舉薦人量納文
狀便令注擬亦不在較放及試書
判之限又云並請注破碎之縣責
其効實本與良能冀蒙優獎昔居
破碎之處恐同貶降之條以前數

通鑑卷之六十一

件並恐不可施行伏請但依起請
節文處分仍請據今年縣令員闕
先盡舉薦人數留闕有餘然後許
注擬平選人等冀將允當同別于
舍人同署



元氏長慶集卷之三十六

元氏長慶集卷之三十七

狀

彈奏劍南東川節度使狀
彈奏劍南西道兩稅外草狀

彈奏山南東川節度使狀

劍南東川詳覆使

故刺南東川節度使觀察處置
等使嚴礪在任日擅設管內將
士官吏及百姓前資寄住等莊
宅奴婢今於兩稅外加配錢米
及草等計料如後

嚴礪檀籍沒管內將士官吏百姓
及前資寄住塗山甫等八十八戶
其宅共一百二十二所奴婢共二
十七人並在諸州項內分析
右臣伏往前後制勅令出使御史
所在訪察不法具狀奏聞臣昨奉
三月一日勅令往劍南東川詳覆
瀘川監官任敬仲贓犯於彼訪聞
嚴礪在任日擅沒前件莊宅奴婢
等至今年月十七日詳覆事畢追得
所沒莊宅奴婢文案及執行案典
耿班馬元亮等檢勘得實據嚴礪
元和二年正月十八日舉牒稱管
內諸州應經逆賊劉闢重圍內并

賊軍到處所有應接及投事西川
軍將州縣官所由典正前資寄住
等所犯雖經需澤莊田須有所歸
其有莊宅奴婢桑柘錢物斛斛氏
店碾磴等悉皆搜檢得塗山甫等
八十八戶案內並不經驗問虛實
亦不具事職名便收家產沒官其
時都不聞奏所收資財奴婢悉皆
貨賣破用及配充作坊驅使其莊
宅桑田元和二年三年租課嚴礪
並已徵收支用訖臣伏准元和元
年十月五日制西川諸州諸鎮刺
史大將及叅佐官吏將健百姓等
應被脅從補署職掌一切下問又

准元和二年正月三日赦文自今
日已前反逆緣坐並與洗滌况前
件、等悉是東川將吏百姓及寄
住衣冠與逆黨索無管屬賊軍奄
至暫被脅從狂返既平再蒙恩蕩
至礪公違詔命苟利資財擅破八
十餘家曾無一字聞奏豈唯剥下
實謂欺天其莊宅等至今被使司
收管臣訪聞本主並在側近控告
無路漸至流亡伏乞聖慈勒本道
長吏及諸州刺史招緝疲人一切
却還產業庶使孤窮有託編戶再
安其本判官及所管刺史仍乞重
加貶責以絕奸欺

嚴礪又於管內諸州元和二年兩
稅錢外加配百姓草共四十一萬
四千八百六十七束每束重一十
一斤

右臣伏准前後制敕及每歲旨條
兩稅畱州留使錢外加率一錢一
物州府長吏並同枉法計贓仍今
出使御史訪察聞奏又准元和三
年赦文大辟罪已下蒙恩將蕩唯
官典犯賊不在此限訪聞嚴礪加
配前件草准前日月進得文案及
執行案典姚孚檢勘得實據嚴礪
元和二年七月二十一日舉牒稱
管內郵驛要草於諸州秋稅錢上

每貫加配一束至三年秋稅又准
前加配計當上件草臣伏准每年
旨條館驛自有正料不合與兩稅
錢外擅有加徵况嚴礪元和三年
舉牒已云准二年舊例徵收必恐
自此相承求使疲人重困伏乞勒
本道長吏嚴加禁斷本判官及刺
史等伏乞准前科責以息誅求
嚴礪又於梓遂兩州元和二年兩
稅外加徵錢共七千貫又米共五
千石
右臣准前月日追得文案及執行
案典趙明之檢勘得實據嚴礪元
和二年六月舉牒補綿劍兩州供

元和元年北軍頓涉費用倍多量
梓遂兩州秋稅外加配上件錢
米漆頓綿劍兩州頓涉費用者臣
牒勘綿州得報補元和二年軍
資錢米悉准舊額徵收盡送使訖
並不曾交領得梓遂等州錢米添
填頓涉亦無剋折當州錢米處者
臣又牒勘劍州得報稱元和元年
所供頓涉侵用百姓腹內兩年夏
稅錢四千二十七貫三文使司令
於其年軍資錢內剋下訖其米即
用元和元年米充並不侵用二年
軍資米數使司亦不曾交梓遂州
州錢米充填者臣伏念綿劍兩州

供頓自合准敕優矜梓遂百姓可
率擅令倍出租賦况所徵錢米數
內唯尅下劍州軍資錢四千二十
三貫三文其餘錢米並是嚴礪加
徵別有支用其本判官及遂州刺
史悉合科處以例將來擅收沒塗
山甫等莊宅奴婢及於兩稅外加
配錢米草等本判官及諸州刺史
各銜并所收色目謹具如後
擅收沒奴婢莊宅等元舉牒判
官度支副使檢校尚書刑部員
外郎兼侍御史賜緋魚袋崔廷
都計諸州擅沒莊共六十三所宅
四十八所奴婢一十人婢一十七人

稅管內諸州元和二年三年秋
稅錢外隨貫加配草元舉牒判
官觀察判官殿中侍御史內供
奉廬詔

都計諸州共加配草四十一萬四
千八百六十七束

加徵梓遂兩州元和二年秋稅
外錢政米元舉牒判官攝節度
判官監察御史裏行裴訓
計兩州加徵錢共七千貫文米共

五千石

梓州刺史檢校尚書右僕射兼
御史大夫嚴礪元和四年三月
八日身亡

擅收塗山南等並二十九所宅四十一所奴九人婢一十七人加徵三千貫文米二千石草七萬五千九百五十二束

遂州刺史柳蒙
擅收沒李簡等莊八所宅四所奴

草四萬九千五百三十五束
一人加徵錢四千貫文米三千石

綿州刺史陶鎰
擅收沒文懷進等莊二十所宅三

所加徵草八萬八千六百八十八束

劍州刺史崔實成
擅收沒鄧琮等莊六所加徵草二

萬一千八百七十七束

普州刺史李愈

元和二年加徵錢草六千束三年加徵草九千四百五十束

合州刺史張平
元和二年加徵草三千四百六十

榮州刺史陳當
二束三年加徵草五千六百五束

元和二年加徵草九千四百三束
三年加徵草五千四百二十七束

渝州刺史邵膺

元和二年加徵草二千六百一十

四束三年加徵草二千七百二十六

七束

廬州刺史兼御史劉文翼

元和二年加徵草三千八百五十

三束三年加徵草三千八百五十

一東

資州元和二年加徵草一萬五千

七百九十八束三年加徵草一萬

六千二百二十五束

簡州元和二年加徵草二萬四千

一百四十八束三年加徵草二萬三千

一百一十八束

陵州元和二年加徵草二萬四千

六百一十束三年加徵草二萬三千

八百六十一束

龍州元和二年加徵草八百九

右己上本判官及刺史等名銜并
所徵收色目謹具如前其資州等

四州刺史或緣割屬西川或緣停
替遷授伏乞委本道長吏各據徵

收年月具勘名銜聞奏
以前件狀如前伏以聖慈軫念切

在蒼生臨御五年三布赦令嚴勤
曉諭優惠困窮似涉擾人頻加禁

斷况嚴礪本是在梓州百姓素無才
行可稱久在兵間過蒙獎拔陛下

錄其徵効移鎮東川杖節還鄉寵
光無比固合撫綏黎庶上副天心

蠲減征徭內榮鄉里而乃橫徵暴
賦不奉典當擅破人家自豐私室

育書堂元集卷三十一

訪聞管內產業斤陌相連重僕
財動以萬計雖即沒身謝咎而猶
遺患在人謂宜諡以醜名削其褒
贈用懲不法以警將來其本判官
及諸州刺史等或苟務容軀競謀
侵削或分憂列郡莫顧詔條但受
節將指搗不悞朝廷典憲共為蒙
蔽皆合痛繩臣職在觸邪不勝其
憤謹錄奏聞伏俟勅旨
中書門下牒御史臺
牒奉勅審沒資財不明罪犯移外
科配豈顧章程致使銜冤無由仰
訴下有察視孰當舉明所沒莊宅
奴婢一物已上並委觀察使據元

沒數一七分付本土縱有已貨賣
破除者亦收贖却還其加徵錢米
草等亦委觀察使嚴加禁斷乃勝
示村鄉使百姓知委判官崔廷等
各叨參佐非道容身刺史柳蒙等
任竊藩條無心守職成此弊政害
及平人撫事論情豈宜免戾但久
罪非首坐法合會恩亦有思後加
徵又已去官停職俾從寬宥重此
典常其恩後加徵草及柳蒙陶鎰
李怱張平邵膺陳當劉文翼等百
各罰兩月俸料仍書下考餘並釋
放牒至准敕故牒

元氏長慶集卷之三十七



蘭州府志

元氏長慶集卷之三十八

狀

論浙西觀察使封杖決殺縣
今事

論轉牒事
為河南百姓訴車

論浙西觀察使封杖決殺縣今
同州奏均田當州兩稅地

事

浙西觀察使潤州刺史韓臯去年
七月封杖決湖州安吉縣令孫澥
四日致死

右御史臺奏得東臺狀訪聞有前
件事先牒潮州勘得報稱孫解先
準使牒差攝烏程縣令日判狀追
村正沈肱不出正帖不用印奉觀
察使七月十六日牒決孫解醫杖
第十下仍差衙前虞候安士文監決
第三等杖二十一日安士文到科
決孫解官忝字人一邑父母白狀
追攝過犯絕輕科罰所施合是本
州刺史且觀察使職在六條訪察
事有不法郎合貝狀奏聞封杖決
疾為念冤魂有傷和氣莫湖州刺
史受命專城過於畏懦受使司軍

將科決縣令致死寢而不言並請
准科以明典憲其諸道觀察使輒
封杖決巡內官吏典法無文伏望
嚴加禁斷庶使遐方士子免有銜
冤封杖決人殊非文法因此致死
有足矜嗟韓臯備歷中外合傳典
憲有比乖越良平撫然罰一月俸
料據決後新解月日是舊刺史辛祕
離任之後新刺史范傳正未到之
時俱無愆尤不可議罰餘依
論轉牒事

據武德軍節度使王紹六月二十
七日違制擅牒路次州縣館驛供

給當道故監軍孟昇喪柩赴
都句當部送軍將官健驢馬等轉
牒白一道謹具如前又得東都
亭驛狀報前件喪柩人馬等準武
寧軍節度轉牒祇供今月二十三
日未到時驛宿者伏準前後制敕
入驛須給正券並無轉牒供擬之
例况喪柩私行不合擅入館驛停
止及給遞乘人夫等當時追得都
句當押衙趙匡到責狀稱孟監軍
去六月十四日身亡至七月五日
蒙本使差押領神柩到上都領得
轉牒累路州將並是館驛供熟食
草料人夫牛等又狀稱其監軍只

是亡日聞奏更不別奏只是本使
僕射發遣亦別無敕追者謹檢與
元元年閏十月十四日敕應緣公
事乘驛一切合給正券比來或聞
諸州已後除門下省東都留守及諸
今州府給券外餘並不得輒入館驛
官委諸道觀察使及所在州縣切
加促捕如違犯請資官所在勒留
具名聞奏餘並量事科決仍具給
牒所由牒中書門下者又准元和
二年四月十五日敕節文諸道差
使赴上都奏事及押領進奉官并
部領諸軍防秋軍資錢物官及邊

軍合於度支請受軍資糧料等官
並在給券餘並不得給如違本道
專知判官錄事參軍並準興元元
年十二月十七日敕處分者謹詳
前後敕文並不令喪柩入驛及轉
牒州縣祇供今月二十四日已牒
河南府並不令供給人牛及熟食
草料等仍牒都亭驛畫時發遣出
驛并追得本道牒到在臺收納訖
右件謹具如前伏以凶柩入驛穢
觸典常轉牒祇供違越制敕正僕
射位崇端揆合守朝章徇苟且之
請紊經制之法給長行人畜其衆
勞傳迎牛夫頗多弊緣路之疲人

人奉一朝之私惠恐須明罰以勵
將來伏準前後敕文給券違越並
合申牒中書門下不敢別狀彈奏
伏乞特有科繩其本判官等準敕
並合節級科附謹具事由如前伏
聽處分具狀上中書門下謹錄狀
上

為河南府百姓訴車

河南府應供行營舫糧草等車準
敕糧料使牒共願四千三十五乘
每乘每里脚錢三十五文約計從
東都至行營所八百餘里錢二千
八文共給監利虛估匹段絹一匹
約估四千已上時估七百文絀一

元卷三八
匹約估五千時估入百文約計二
十八千得細絹共六匹折當實錢
四千五百

右件草準元敕令於河次收貯待
河開般運送至行營續準度支奏
令差河南鄭滑河陽等道車共一
千乘舫載今據每車彊弱相兼用
牛四頭每頭日食草各三束計一
十二束從武德界至行營約六百
里車行一十二日程往來二十四
日并停住約三十餘日計每車須
食草三百六十束料及人糧在外
若自齎持每車更須四乘車別載

緣路糧草若於累路旋買計一千
車每頓須買草六千餘束州縣店
肆必無祇供得辦况今年河路元
不甚凍及至裝車舫載至發時已
是來年正月上旬已後即水路自
然去得只校旬日之間實恐虛成
其敝

三千五百三十五乘准糧料使

及東都河陽兩院牒舫載軍糧
右件軍糧伏據中書門下奏稱若

併糴貯恐事平之後無支用處各
令收糴來年春季糧料今據邢且
魏博等州和糴已合支得累月即
前件糧亦合得春水路舫載以前

兩件車準救並令和顧今據度支
河陰匹段十乘估價召雇一乘不
得今府司還是據戶科配况河南
府耕牛素少昨因軍過宰殺及充
逆車已無大半今若更發四千餘
車約計用牛一萬二千頭假令佐
價並得實錢百姓悉皆願去亦須
草木盡化為牛然可充給頭數今
假令府司排戶差遣十分發得一
二即來歲春農必當盡廢百姓見
坐流亡河南府既然即鄭滑河陽
亦是小處假使凶豎即擒伏恐饑
荒荐至萬一尚稽天討不知何以
供求稍忝在官司備知利害伏以

事非職任不敢上言仰荷陶甄冀
裨萬一無任冒昧狂愚之至伏聽
詳察處分謹錄狀上

同州奏均田

當州自於七縣田地數內均配兩
稅元額頃畝便請分給諸色職田
州使田官田與百姓其草粟脚錢
等便請於萬戶上均率又均攤左
神策部場鎮軍田粟及特放百姓
稅麻及除去斛斗錢草零數等利
宜分折如後

當州兩稅地

右件地並是貞元四年檢責至今
已是三十六年其間入戶逃移田

地荒廢又近河諸縣每年河路吞
侵沙苑側近日有沙礫填掩百姓
稅額已定皆是虛額徵率其間亦
有豪富兼并廣占阡陌十分田地
纔稅二三致使窮獨逋亡賦稅不
辨州縣轉破實在於斯臣自到州
便欲差官檢量又慮疲人煩擾昨
因農務稍暇臣遂設法各令百姓
自通平實狀又令里正書手等傍
為穩審並不遣官吏擅到村鄉百
姓等皆知臣欲一例均平所通除
地畧無欺隱臣便據所通悉與除
去逃戶荒地及河侵沙掩等地其
餘見定頃畝然取兩稅元額地數

通計七縣沃瘠二例作分抽稅自
此貧富疆弱一切均平徵斂賦租
庶無逋欠三二年外此州實冀稍
校完

田并州使官田驛田等田公廩

在臣當州百姓田地每畝只稅粟
九升五合草四分地頭權酒錢共
出二十一文已下其諸色雜田每
畝約稅粟三升草三束脚錢一百
二十文若京官上司職田又須
百姓變米饋車舫送比量正稅近
於四倍如徵既緣差稅至重州縣
遂逐年抑配百姓租佃或有隔越

鄉村被配一畝二畝之者或有身
居市井亦領虛額出稅之者其公
廩田官田驛田等所稅輕重約與
鹽田相似亦是抑配百姓租佃疲
人患苦無過於斯伏準長慶元年
七月赦文京兆府職田令於萬戶
上均配與臣當州事宜相類臣今
因重配元額稅地便請盡將此
田地一切給與百姓任為求業一
依正稅粟草及地頭推酒錢數紕
稅其餘所欠職田斛斗錢草等只
於夏稅地頭上每畝加一合秋稅地
上每畝各加六合草一分其餘脚
錢只收地頭推酒錢上分釐充數

便足百姓元不加配其上司職田
合變米送城者比緣百姓自出車
牛及零碎春碾動逾春夏送納不
得到城臣今便於當州近城縣納
粟官為變張取本色脚錢州司和
願情願車牛舫載差綱送納計萬
戶所加至少使四倍之稅求除上
司職祿及時公私作受其利
當州供左神策郃陽鎮軍田
粟二千石

右自置軍鎮日伏準敕令取百姓
蒿荒田地一百頃給充軍田並緣
田地零碎軍司田用不得遂令縣
司每畝出粟二斗其粟並是一縣

百姓稅上加配偏當重斂事實不
均臣今已於七縣應稅地上量事
配率自此亦冀均平



元氏長慶集卷之三十八

元氏長慶集卷之三十九

狀

論當州朝邑等三縣代納夏
陽韓城兩縣率錢狀

論當州朝邑等三縣代納夏陽
韓城兩縣率錢狀

右淮元和十三年敕緣夏陽韓城
兩縣殘破量減逃戶率稅每年攤

配朝邑澄城郃陽三縣代納錢六
百七十九貫九百二十一文斛斗

三千一百五十二碩一斗三升三

合草九千九束零並不計臣今因
百姓自通田地落下兩縣蒿荒之
外並據見定頃畝一例徵率自然
兩縣已減元額稅地請更不令三

縣代納差科
當州稅麻

右當州從前稅麻地七十五頃六
十七畝四釐每年計麻一萬一千
八百七十四兩充州司諸色公用
臣昨因均配地稅尋檢三數十年
兩稅文案只是逐年配率麻地
不言兩稅數內為便數外既無條
敕可憑臣今一切放免不稅
當州所徵斛斗草及地頭等錢

畸零分數

右從前所徵斛斗升合外又有抄

勻圭撮錢草即有分釐毫銖案牘

交加不可勘算人戶輸納元無畸

零蹙數所成盡是好吏欺沒臣今

所徵斛斗並請成合草並請成分

錢並請成文在百姓納數元無所

加於官司簿書末絕奸詐其蹙數
粟麥草等便充填所欠職田等數
其錢當州每畝元稅二十文三分
六釐人戶元納二十文內分釐零數
今只收納二十一文內分釐零數
將克職田脚錢二千六百餘貫更
足更不分外攤徵回奸吏隱欺之

實重堂

賊除百姓重斂之困如此處置庶
有利宜以前件謹具利宜如前逐
縣兩稅元額頃畝并攤配職田分
數及蹙成文分合等錢草斛斗數
謹具分析在前件狀如狀伏以當
州田地鹹鹵瘠薄兼帶山原通計
十畝不敵京畿一二加以檢責年
深貧富偏併稅額已定徵率轉難
臣昨所奏累年逋懸其敝實由於
此臣今並已均融抽稅又免配佃
職田間里之間稍合蘇息伏緣請
配職田地充百姓求業事須奉敕
處分然冀末有遵憑伏望聖慈允
臣所奏謹錄奏聞伏聽勅旨

浙江東都團練觀察置等使富管
明州每年進淡菜一石五斗海蚶
一石五斗

右件海味等起自元和四年每年
每色進五斗至元和九年因一縣
令獻表上論準詔停進仍令所在
勒回人夫當處放散至元和十五
年伏奉聖旨却令供進至今每年
每色各進一石五斗臣昨之任行
至四州已見排比施夫及到鎮詢
問至十一月二十日方合起進每
十里置遞夫二十四人明州去京
四千餘里約計排夫九千六百餘

人假如州縣只先期十日追集猶
計用夫九萬六千餘功方得前件
海味到京臣伏見元和十四年
皇帝特詔荆南令貢荔枝陛下
位後以其遠物勞人只令一度
送充獻景靈自此停進當時書
史策以為美談去年江淮旱
陛下又降德音令有司於旨條
減省常貢斯皆陛下遠法堯舜
法太宗減膳郵災愛人惜費之
德也况淡菜等味不登於俎豆
不載於方書海物鹹腥增痰損
俗稱補益蓋是方言每年常役
萬餘人竊恐有乖陛下罷荔枝
減

常貢之盛意蓋守士之臣不敢備
論之過也臣別受恩私合盡愚懇
此事又是臣當道所進不敢不言
如蒙聖慈持賜允許伏乞賜臣等
手詔勒停仍乞準元和九年敕旨
宣下度支監鐵所在勒回實冀海
隅蒼生同霑聖澤謹錄奏聞伏候
勅旨

中門書下牒牒浙東觀察使當道
每年供進淡菜一石五斗海蜆一
石五斗
牒奉敕如聞浙東所進淡菜海蜆
等道途稍遠勞役至多起今已後
並宜停進其今年合進者如已發

牒在路亦宜所在勒回牒至確敕故

元氏長慶集卷之三十九

